



Republika e Kosovës Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 11 (paragrafi 1.1), nenit 5 (paragrafi 1 pika 1.5), nenit 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit, si dhe nenit 19 (paragrafi 11) të Rregullores nr. 01/2014 së Punës të Agjencisë kundër Korrupsionit, Drejtori i Agjencisë kundër Korrupsionit me datë 13.01.2017, mori:

V E N D I M

I, Mbyllet rasti me nr. AKK-03-02-4124/16, për zyrtaren e lartë znj. Serbeze Kabashi-Muçaj, Drejtore e Klinikës së Radiologjisë-QKUK, për shkak se nuk ka të dhëna të mjaftueshme që argumentojnë ekzistimin e konfliktit të interesit në rastin e përzgjedhjes për pozitat mjek-specialist në konkursin e zhvilluar në QKUK-SHSKUK.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Pas kërkesës së pranuar në AKK-ë nga një palë e tretë ku pretendohet se ka konflikt të interesit me mes të kryetares së komisionit vlerësues në konkursin e datës 31 Mars 2016, të shpallur nga ana e Shërbimit Spitalor Klinik Universitar të Kosovës për 17 pozita mjek-specialist, me mes të Serbeze Kabashi-Muçaj, Drejtore e Klinikës së Radiologjisë dhe kandidates së pranuar në pozitën specialiste e Oftalmologjisë znj. Mimoza Ismaili, pasi që të dyja punojnë bashkë në poliklinike private "Neoromedica" në Podujevë.

AKK-sipas procedurave ka nxjerr vendimin me nr. AKK-03-02-4124/16 për fillimin e shqyrtimit të situatës së mundshme të konfliktit të interesit për zyrtaren e lartë, dhe ka zhvilluar procedurën e paraparë duke njoftuar zyrtaren për fillimin e procedurës për trajtim të situatës së mundshme të konfliktit të Interesit. AKK, e ka ftuar zyrtaren në takim informues për të marrë informata shtesë dhe për ta informuar lidhur me çështjen ngritur, gjatë takimit i cili është mbajtur në zyrat e AKK-së, zyrtarja e lartë znj. Serbeze Kabashi-Muçaj, është pyetur lidhur me konkursin publik të datës 01.04.2016 në SHSKUK/QKUK, si dhe raportet me njëërën nga aplikueset në këtë konkurs

znj. Mimoza Ismaili e cila është përzgjedhur për vendin e punës specialist Oftalmolog, si dhe a punojnë së bashku me znj. Mimoza Ismaili në polikliniken private “Neoromedica” në Podujevë.

Duke u përgjigjur pyetjeve tona në këtë takim znj. Serbeze Kabashi-Muçaj na ka njoftuar për konkursin në pika të shkurta duke theksuar se komisioni për përzgjedhjen e mjekëve specialist e ka bërë vlerësimin duke u bazuar në kriteret dhe aftësitë që kanë pasur kandidatet ndërsa ka deklaruar se me znj. Mimoza Ismaili nuk ka asnjë raport për veç që raporteve kolegjiale siç janë me shumicën e aplikantëve në këtë konkurs, znj. Kabashi ka theksuar se nuk punon në poliklinikën private “Neoromedica” në Podujevë, dhe as një herë nuk kanë punuar së bashku me znj. Mimoza Ismaili, në këtë klinikë kam qene si staf i paraqitur por kam shkuar vetëm një herë për konsulta të pacienteve në vitin 2013, pasi që kjo klinikë ka pasur defekte me aparaturën radiologjike dhe nuk kemi mundur të vazhdojmë me, ndërsa në vitin 2015 kam kërkuar nga Ministria e Shëndetësisë që të me mundësoj tërheqjen e licencës nga poliklinika “Neoromedica” në Podujevë, pasi që ka kohë që nuk jam e angazhuar në këtë institucion shëndetësor. znj. Serbeze Kabashi-Muçaj ka deklaruar në fund se nuk ka konsideruar dhe as konsideron se mund të ketë konfliktin të interesit me asnjërin nga pjesëmarrësit e Konkursit për përzgjedhjen e mjekëve specialist të lëmive të ndryshme në QKUK- të datës 31.03.2016 pasi që me asnjërin nuk kam lidhje afërsie apo interesi, ajo ka deklaruar se do sjell edhe dëshmi nga poliklinika private “Neoromedica” në Podujevë se në cilën përdhë ka qenë për konsultë me pacient në këtë Poliklinikë.

Agjencia kundër Korrupsionit duke zgjeruar hetimet lidhur me këtë rast ka kontaktuar me menaxhmentin e poliklinikës private “Neoromedica” në Podujevë, dhe ka kërkuar nga ta që ti ofrojnë informacione zyrtare për znj. Serbeze Kabashi-Muçaj, se a është e punësuar në poliklinikën private “Neoromedica” dhe në çfarë cilësie, po ashtu ka kërkuar informata edhe për znj. Mimoza Ismaili, se a punon në poliklinikën “Neoromedica” dhe në çfarë cilësie, pasi që emrat e tyre figurojnë në Ueb-faqen e poliklinikës private “Neoromedica” në Podujevë.

Nga poliklinika private “Neoromedica” kemi pranuar dokumentin zyrtar me nr. Prot.03-02/4747/16- ku na njoftojnë se: znj. Serbeze Kabashi –Muçaj me profesion radiologe, nuk ka punuar dhe nuk punon në klinikën tonë “Neoromedica”, me datën 13.02.2013 ka qenë për konsultim të pacientëve tanë (7 pacient) por pasi kemi pasur defekte me aparaturën radiologjike nuk kemi mundur të vazhdojmë punën, emri i saj ka mbetur në faqen zyrtare pasi që nuk është freskuar apo fshirë nga IT.

Ndërsa znj. Mimoza Ismaili-punon në qendrën tonë në cilësinë e mjekes-specialiste e Oftalmologjisë që nga data 01.08.2014 dhe vazhdon të punojë ende.

Bazuar në informatat zyrtare të ofruara nga Poliklinika private “Neoromedica” në Podujevë, rrjedh se znj. Serbeze Kabashi-Muçaj, Drejtore e Klinikës së Radiologjisë dhe kryesuese e komisionit vlerësues për përzgjedhjen e mjekëve specialist të lëmive të ndryshme në QKUK-ë sipas konkursit publik të datës 31.03.2016 dhe kandidatja e pranuar në pozitën specialiste e Oftalmologjisë znj. Mimoza Ismaili, nuk punojnë dhe nuk kanë punuar bashkë në polikliniken private “Neoromedica” në Podujevë, ndërsa në bazë të dokumenteve përcjellëse të lëndës nuk kemi vërejtur se të njëjtat kanë pasur ndonjë lidhje apo interes të përbashkët që mund të cilësohet si konflikt i interesit të paraparë sipas Ligji për Parandalimin e Konfliktit të Interesit në Ushtrimin e Funksionit Publik nr.04/L-051.

Ligji për Parandalimin e Konfliktit të Interesit në Ushtrimin e Funkcionit Publik nr.04/L-051,ka për qëllim të parandalojë konfliktin e interesit të zyrtarët e lartë gjatë ushtrimit të funksionit publik. Ekzistojnë dispozita të veçanta të cilat rregullojnë situata të ndryshme e që për qëllim kanë parandalimin e konfliktit të interesit, që është masë për parandalimin e korrupsionit.

Duke vlerësuar provat dhe faktet qe kemi pasur ne dispozicion lidhur me këtë rast mund të themi se nuk kemi elemente të gjendjes faktike të konfliktit të interesit të paraparë sipas Ligjit Nr.04/L-051, Për Parandalimin e Konfliktit të Interesit në Ushtrimin e Funkcionit Publik.Andaj u vendos si në dispozitiv të këtij vendimi.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtari i lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Shaip Havolli
Drejtor i Agjencisë kundër Korrupsionit

